

# 'Bagi sama rata'

Metro 20/11/12 M5

## 669 wakil generasi kedua peneroka Felda Bukit Goh terima durian runtuh RM3.34 juta

**K**UANTAN: Seramai 669 wakil generasi kedua peneroka Felda Bukit Goh, di sini, hadir menerima durian runtuh berjumlah RM3.34 juta disampaikan Ahli Parlimen Paya Besar, Datuk Abdul Manan Ismail di Dewan Orang Ramai tanah rancangan itu, kelmarin.

Abdul Manan berkata, beliau berharap generasi kedua Felda bersyukur dan memanfaatkan wang diterima sebaik mungkin.

Menurutnya, pemberian wang itu membuktikan kerajaan menepati janji dengan tidak melupakan anak peneroka yang turut membesar dan merasai keperitan hidup di negeri rancangan.

"Pemberian ini sebagai penghargaan kepada seluruh keluarga peneroka termasuk isteri dan generasi baru yang sama-sama berusaha-payah membuka tanah rancangan dan hasilnya kini dinikmati semua.

"Saya berharap anak peneroka generasi kedua ber-

sikap jujur dan telus membahagikan wang diterima sesama adik-beradik.

"Jangan sampai berbunuhan dan bergaduh sesama sendiri," katanya ketika ditemui.

Seorang penerima, Siti Aisyah Ismail, 22, berkata wang diterima itu akan dibahagikan sama rata sesama 11 adik-beradiknya.

"Kami sudah berpakat membahagikan wang itu sama rata walaupun jumlahnya tidak sebanyak mana.

"Sekurang-kurangnya wang diterima ini dapat digunakan bagi menampung pembelian barangan keperluan dapur sementara waktu," katanya ketika ditemui.

Seorang lagi penerima, Nordin Idris, 39, berkata dia berterima kasih kepada pengurusan Felda dan kerajaan atas pemberian itu dan ber-



REZEKI...Mohd Yusri Mohd Yussoof menunjukkan cek RM5,000 diterima, kelmarin.

sepakat mengagihkan sama rata dalam kalangan adik-beradiknya.

"Mungkin ini rezeki kami

enam beradik dan bersyukur dengan hadiah ini. Sebelum ini, kami membahagikan sama rata wang fasa pertama

serta kedua untuk peneroka dan isteri memandangkan kedua ibu bapa kami sudah meninggal dunia.

"Saya bercadang menyimpan wang ini dan menggunakannya apabila perlu," kata anak ketiga daripada enam beradik itu.

Kasmawati Jaafar, 35, berkata walaupun jumlah wang diterima tidak terlalu besar jika dibahagikan lapan beradik, namun tetap bersyukur kerana berpeluang merasai wang hasil titik peluh ibu bapanya yang bekerja teruk ketika mula-mula memasuki tanah rancangan.

"Terima kasih kepada Felda dan sudah pasti Perdana Menteri, Datuk Seri Najib Razak yang tidak putus-putus menghargai pengorbanan warga peneroka yang terlalu banyak berjasa dalam pembangunan negara sebagai pengeluaran komoditi utama sawit," katanya.